



Balestrand kommune

Økonomiavdelinga

Finansdepartementet

<i>Saksnr.</i>	<i>Arkivkode</i>	<i>Saksh. / Telefon</i>	<i>Dykkar ref.</i>	<i>Dato</i>
15/528	232	Svein Feidje 57651220		08.09.2015


Samrøystes vedtak Balestrand formannskap møte 27.08.2015, sak 52/15.

Uttale - Høring om eiendomsbeskatning av arbeidsmaskiner mv. i verk og bruk

Det vert frå departementet framhalde at ved endring av regelverket vil «eigedomsskatt vere ein skatt på fast eigedom – tomter og bygningar- slik det var meint å vera». Ved innføring av eigedomsskatt for 120 år sidan var Stortinget opptatt av at eigedomsskatten skulle omfatta det fysiske produksjonsanlegga, med tilhøyrande bygningar og eigedom. Bygningen ville som regel berre fram stå som eit «skarve skur», og ikkje utgjera noko sjølvstendig skatteobjekt.

Bakgrunnen til at verk og bruk skal vurderast etter substansverdi, er blant anna grunngeve ved at takstane skal stå fast i 10 år og spegla anlegga si realverdi og ikkje den einskilde eigar si verksemd. Ei endring av reglane, vil vera ei klar svekking av lovgivar sine intensjonar, nemleg at verdiar som er investert i den faste eigedomen skal koma til skattlegging i dei kommunar der skattytar har investert. Endringa i eigedomsskattelova vil medføre ei viktig endring i prinsippet om den kommunale skatteretten.

Landssamanslutninga for vasskraftkommunar (LVK) opplyser at det etter andre verdskrig er publisert 14 rettsavgjersler om eigedomsskatt på produksjonsanlegg. Av desse har kommunane vunne fram i 11 saker, og bedriftene i 3 saker. Slik kommunen ser det, skulle dette ikkje tilsei at regelverket er uklårt eller skjønsmessig, slik det blir framstilt i høyringsnotatet.

Adresse: Kong Beles veg 20 6899 BALESTRAND E-post: postmottak@balestrand.kommune.no Internett: balestrand.kommune.no	Sentralbord: 57 65 12 00 Telefaks: 57 69 12 05 Bankgiro: 3805.07.00043 Bankgiro for skatt: 7855.05.14183 Organisasjonsnr: 970 184 252	
--	---	---

For Balestrand kommune vil framlegg til endring av eigedomsskattelova føre til eit årleg tap på om lag kr 1.045.000. I hovudsak er dette eigedomsskatt på nettanlegg, det vil sei *straumnnett og telenett*. Dette er inntekter som i dag i si heilheit går til kommunen, til finansiering av kommunale tenester og næringsutvikling. Ei endring av eigedomsskattelova vil føre til at kommunen må redusera kommunale tilbod .

Departementet har ikkje sikre tal for kva endringa vil medføre økonomisk, samla eller for den einskilde kommune. Det er derfor heller ikkje mogleg å vurderer konsekvensane av dette sett opp mot regjeringa si varsla skatterreform der selskapsskatt og formuesskatt skal utgeiast.

Balestrand kommune meiner difor at departementet bør setja ned eit utval som på fagleg forsvarleg måte skal vurderer dei økonomiske konsekvensane av framlegget, så vel som val av alternative løysingar basert på gjeldande lovverk. I dette utvalet må kommunane sine interesser og erfaringar blir representerte.